

liberato questa note andar in persona con undee cento lanze et 10 milia fanti a trovar spagnoli, fo dito erano in Lodi. Zonse a meza note nova certa come passavano Po, sichè nulla fo fato. Questa matina poi zonse la certeza de l'apontamento seguito con sguizari, per el qual rendeno tutti i lochi li qual svizari tenivano del duchato de Milano, excepto Belenzona, e li danno tutte le forteze, et quelle de Milan et Cremona libere in man del Roy, et a l'incontro la Maestà Christianissima li ha promesso una grandissima summa de danari, chi dize 800 milia, chi 600 milia scudi, et una pension annua grandissima, di la qual hora il Re ne exborsa in contadi 160 milia scudi, el resto in tempi, et dà a Maximiliano Sforza ducha de Milan una ducea in Franza, qual si chiama Nemurs, et volendo maridarse, se obliga darli una del sangue e pension ducati 10 milia a l'anno, e li dà lanze 100 e promete lassarlo in libertà. A l'incontro, sguizari prometeno ch'el ditto Maximiliano retificherà e sarà contento di quanto è fato per loro sguizari. Se crede doman o poi doman sarà qui in campo: sichè per Franza la guera è finida, e chi non atenderà ai fatti soi, sarà so dano. De l'intrar nostro in Milan, non si sa ancora altro; doman se delibererà el tutto. Desidero star qualche zorno in Milan per reposar, che veramente ne ho bisogno, et quanto più presto potrò, hessendo la via sicura, che certo non li sarà più dubito algun, e che Mantoa e Ferara se veginrano a recomandar, *breviter* secondo anderà el mondo, cussi me governarò. Non altro, voglio andar a dormir

52 *Copia de una lettera di sier Marco Antonio Contarini de sier Carlo, data in Marignano, a dì 10 Septembrio 1516, drizata a sier Maphio Lion.*

Heri, zercha l'ora de mezodì, zonzessemo qui ignari *rerum omnium*, perchè francesi erano avisati de li nostri, che in quella instessa hora era zonto lo illustrissimo capitano nostro general, et abochato con el Re. Desiderando trovar li ambadori, non have modo nè tempo, perchè hora alozeno in l'antiguarda, hora in la bataja, et l'altro jorno, che havevimo un pocho de filo, in la redeguarda. Mai è acaduto che continue alozassemo in loco instesso. Sono tanti li desordeni che ogni zorno segueno per causa de sti maledeti lanzinech, che l'è un teror. Da per tutto dove vano, sachizano Cristo et sua madre, nè el Re, nè algun li pò meter man. Un zorno havemo paura non ne sachizano anche nui, et el mazor de tutti, non

è senza grandissima paura e non sa che modo pigliar; va pensando de descargarse, darne a la Signoria et ad altri, perchè dubita più nel licentiarli che a la tornata non sachizano meza la Franza. Hor *ad rem*. Vedo più intrighi che mai nel mondo; costoro un zorno afermano esser seguito l'apontamento, l'altro negano; mai dicono la verità de cosa alguna. Non so come farano *in futurum*. Per ogni minima nova saltano in caveza; el zorno driedo, s'el vien qualche cosa in contrario, imputano nostri; sono sospetosi nè voleno ben ad alguna persona. Hor de questo basti. *Erit tempus*, e forse presto no dubito, sarò propheta de piu de sete cose. El modo de questo benedeto apontamento, o vero o fento ch'el sia, lo scrissi heri a mio fradello. A ti non te lo scrissi, perchè non mi fu concesso far mazo; hogi te scrivo a ti et non a lui per la instessa causa, et cussi me scuserai con lui. Mai fu el più vergognoso apontamento: *tamen* ge par a costor tochar le stelle, et non è anchor seguito. Hozi li hanno mandato i scudi 160 milia; non sanno se li acetano et consegnano le forteze secondo i patti. Sta guerra si ha per finita; altro non se aspetta; per tutto doman saremo o dentro o fuori, et secondo se intenderà, cussi *etiam* io mi governarò. El campo nostro se atrova miglia do apresso Lodi. Da matina a 52* l'alba, a Dio piacendo, se ne anderemo a vederlo. Marti poi credo se incontrerano con quello del Christianissimo Maestà. Li havemo acompagnati nui fino dentro Lodi, dove sopragionse lo illustrissimo Alvianno, et hanno divisato un pocho de bello, et se non te lo scrivo me perdonerai. Non havemo fin hora certeza alcuna de acordo, *imo* pensemo più presto non sii per seguir che altrimenti over; l'è una gran cossa. Semo, zà zorni 8, distanti per mancho de 10 miglia da Milan, e non se vede novità alguna. Se non fusse el nostro campo, *juro Deo* che dubitaria ch'el tuo insonio non havesse a veginir vero, *quod Deus advertat*. Nè ho posuto veder il Navajero, et s'el vedeva, liziermente restava de qui a solazo per qualche zorno. Orsù de più cose che voria non te posso scriver; de le altre non so quello avisar. Sapi che se segue apontamento, el seguirà per la zonta de le nostre zente, perchè senza dubio i haveriano conzonte le zente del Papa et de helvetii, et forse haveriano fate le sudar più d' un par. S' el gè letera indegna che homo del